

BOSNA I HERCEGOVINA  
FEDERACIJA BOSNE I HERCEGOVINE  
Bosansko-podrinjski kanton Goražde  
**GRAD GORAŽDE**  
GRADONAČLENIK



Broj: 02-04-2-2422-1/24  
Goražde, 02.08.2024. godine

**GRADSKO VIJEĆE GORAŽDA**  
N/r Predsjedavajućeg Bajra Obučić

**PREDMET:** Dostava prijedloga Odluke o dodjeli javnih priznanja Grada Goražda.-

U prilogu ovoga akta dostavljamo Vam prijedlog:

- Odluke o dodjeli javnog priznanja «Zlatna plaketa Grada Goražda» za 2024. godinu i
- Odluke o dodjeli javnog priznanja «Povelja humanosti Grada Goražda» za 2024. godinu, radi uvrštavanja u dnevni red sjednice Gradskog vijeća i Zapisnik Odbora za dodjelu javnih priznanja Grada Goražda.

S' poštovanjem!

**DOSTAVITI:**

1. Naslovu,
2. U dosije i
3. a/a.-

**GRADONAČELNIK**  
Ernest Imamović



## Odbor za dodjelu javnih priznanja

Broj: 02-04-2-2422/24

Goražde, 02.08.2024. godine

### ZAPISNIK

sa sjednice Odbora za dodjelu javnih priznanja Grada Goražda, održane 02.08.2024. godine u maloj sali Gradske uprave Goražda, sa početkom u 10<sup>00</sup> sati

**PRISUTNI:** Predsjednik Odbora Medina Kulelija, članovi Odbora: Salko Kudin, Nermin Mašala, Bajro Obuća, Mirsad Kadrić.

Sjednici ne prisustvuju članovi Odbora: Amer Dedović i Mirela Raščić.

Sjednicu vodi predsjednik Odbora za dodjelu javnih priznanja Grada Goražda Medina Kulelija.

Predložen je i jednoglasno prihvaćen slijedeći

#### DNEVNI RED:

- Razmatranje pristiglih prijedloga za dodjelu priznanja Grada Goražda i donošenje prijedloga odluke o dodjeli javnih priznanja,
- Tekuća pitanja.

#### Ad<sub>1</sub>

Javni poziv za predlaganje kandidata za dodjelu javnih priznanja Grada Goražda, broj 02-04-2-2422/24 od 11.06.2024.g. objavljen je u lokalnim novinama "Glas Goražda", WEB-site i oglasnoj tabli Gradske uprave Goražda i mjesnim zajednicama, te emitovan putem JP RTV BPK-a Goražde. Rok za dostavu prijedloga trajao je od 12. 06. do 26.07.2024. godine.

Odbor konstatuje da je na Javni poziv pristiglo 5 koverti sa prijavama, blagovremeno i propisno zatvorenih i to:

R.br.	broj i datum prijedloga	predlagač	ime i prezime/naziv kandidata za priznanje
<b>ZLATNA PLAKETA GRADA GORAŽDA</b>			
1.	02-04-1-2998/24 24.07.2024.	grupa građana	Delila Klovo Kajić
<b>POVELJA HUMANOSTI GRADA GORAŽDA</b>			
1.	02-04-1-2881/24 15.07.2024.	Udruženje mladih „Vijeće za inicijativu i razvoj – VIR“ ul. Prve drinske brigade bb 73205 Vitkovići	Humanitarno udruženje "Svjetlo grada"
2.	02-04-1-2909/24 16.07.2024.	Edita Velić	Lejla Hubjer
3.	02-04-1-2994/24 24.07.2024.	Adnan Žuga	Humanitarno udruženje "Svjetlo grada"
4.	02-04-1-3002/24 25.07.2024.	POG „Naša stranka“	Humanitarno udruženje "Svjetlo grada"

Za javna priznanja „Počasni građanin Grada Goražda“, „Povelja za životno djelo Grada Goražda“, „Srebrena plaketa Grada Goražda“ i „Prijatelj/Prijateljica Grada Goražda“ nije pristigao niti jedan prijedlog.

Za javno priznanje „Zlatna plaketa Grada Goražda“ pristigao je jedan prijedlog za Delilu Klovo Kajić. Za javno priznanje „Povelja humanosti Grada Goražda“ pristigao je jedan prijedlog za Lejlu Hubjer i tri prijedloga za Humanitarno udruženje “Svjetlo grada”.

Nakon čitanja prijedloga za dodjelu priznanja „Zlatna plaketa Grada Goražda“, Odbor za javna priznanja je jednoglasno donio zaključak da se Gradskom Vijeću Goražda uputi prijedlog odluke o dodjeli javnog priznanja „Zlatna plaketa Grada Goražda“ za 2024. godinu Delili Klovo Kajić.

Nakon čitanja prijedloga za dodjelu priznanja „Povelja humanosti Grada Goražda“, Odbor za javna priznanja je jednoglasno donio zaključak da se Gradskom Vijeću Goražda uputi prijedlog odluke o dodjeli javnog priznanja „Povelja humanosti Grada Goražda“ za 2024.g. Humanitarnom udruženju “Svjetlo grada“ iz Goražda.

Sjednica Odbora završena je u 11<sup>00</sup> sati.

**ZAPISNIK SAČINILA**

*A Sense*  
Šemsa Dedović

**PREDSJEDNIK ODBORA**

Medina Kulelija

*Medina Kulelija*

Na osnovu člana 17. Statuta Grada Goražda („Službene novine Grada Goražda“, broj: 5/18) i člana 33. Odluke o javnim priznanjima („Službene novine Grada Goražda“, broj: 4/16, 10/18), Gradsko vijeće Goražda na \_\_\_ redovnoj sjednici, održanoj dana \_\_\_\_\_ 2024. godine, **donosi**

**ODLUKU**  
**o dodjeli javnog priznanja «ZLATNA PLAKETA GRADA GORAŽDA»**

**Član 1.**

Grad Goražde u 2024. godini dodjeljuje javno priznanje «ZLATNA PLAKETA GRADA GORAŽDA» **g-đi DELILA KLOVO KAJIĆ**- za izuzetan doprinos razvoju volonterizma i građanskog aktivizma u Goraždu.

**Član 2.**

Dodjela navedenog priznanja obaviti će se na Dan Grada Goražda, 18. septembra 2024. godine.

**Član 3.**

Ova Odluka stupa na snagu danom donošenja i naknadno će biti objavljena u „Službenim novinama Grada Goražda.“

Broj: 01-02-1-\_\_\_\_\_-24  
Goražde, \_\_\_\_\_ 2024. godine

**PREDSJEDAVAJUĆI VIJEĆA**

Bajro Obuća

## **O b r a z l o ž e n j e**

Odlukom o javnim priznanjima Grada Goražda („Službene novine Grada Goražda“, broj: 4/16, 10/18) propisano je da, u cilju odavanja javnog priznanja pravnim i fizičkim licima za iznimna dostignuća i lični doprinos za razvoj i ugled Grada Goražda, a naročito za uspjehe u unapređivanju privrede, zapošljavanju, nauci, kulturi, sportu, socijalnoj zaštiti, unapređenju prirodnog okoliša, te drugih javnih djelatnosti i poticanju aktivnosti koje su tome usmjerene, Grad Goražde ustanovljava javna priznanja „Počasni građanin Grada Goražda“, „Zlatna plaketa“ „Srebrna plaketa“, „Prijatelj/prijateljica Grada Goražda“, „Povelja za životno djelo“ i „Povelja humanosti“ Grada Goražda..

Odbor za dodjelu javnih priznanja i Gradonačelnik Goražda pokrenuli su postupak raspisivanjem Javnog poziva za predlaganje kandidata za dodjelu javnih priznanja Grada Goražda, broj: 02-04-2-2422. Isti je bio otvoren od 12.06. do 26.07.2024. godine. Na Javni poziv je pristiglo blagovremeno pet aplikacija. Nakon otvaranja aplikacija i provedene procedure, Odbor za dodjelu javnih priznanja je sačinio prijedlog Odluke o dodjeli javnih priznanja Grada Goražda u 2024. godini, te za priznanje „Zlatna plaketa Grada Goražda“ predlaže Delilu Klovo Kajić.

Gospođa Delila Klovo Kajić rođena je 25.10.1977. godine u Goraždu, gdje je završila osnovno i srednje obrazovanje. Diplomirala je na Pravnom fakultetu Univerziteta u Sarajevu i stekla zvanje Magistra pravnih nauka. Udata je i majka četvoro djece. Još kao vrlo mlada osoba isticala se kroz pisanje pjesama, aktivista u mnogim događajima i učesnik mnogobrojnih akcija za mlade. U periodu od 2000.-2007.g obavljala je funkciju vijećnice u Općinskom vijeću Goražda. U proteklom periodu daje veliki doprinos građanskom aktivizmu, organizujući niz socijalnih i humanitarnih aktivnosti od kojih se posebno izdvaja rad na umrežavanju i angažovanju roditelja, te organizaciji volonterskih humanitarnih akcija. Sprovela je niz akcija koje su za cilj imale poboljšanje položaja djece i roditelja u našem gradu. Posebno se ističe akcija za očuvanje školskog, dječijeg dispanzera, postavljanja zaštitne podloge u parku ispred Centra za kulturu, Ramazanski vozić, Gu-Gu bazar i dr. Sredstva prikupljena na Gu-Gu bazaru usmjeravaju se za pomoć socijalno ugroženim porodicama. Udruženje na čijem čelu je Delila Klovo Kajić kroz svoje aktivnosti promovise ljubav, zajedništvo i dobrotu.

Prijedlog Odluke se upućuje Gradskom vijeću Goražda na razmatranje i konačno usvajanje.

**ODBOR ZA DODJELU JAVNIH PRIZNANJA**

Na osnovu člana 17. Statuta Grada Goražda („Službene novine Grada Goražda“, broj: 5/18) i člana 33. Odluke o javnim priznanjima („Službene novine Grada Goražda“, broj: 4/16, 10/18), Gradsko vijeće Goražda na \_\_\_ redovnoj sjednici, održanoj dana \_\_\_\_\_ 2024. godine, donosi

**ODLUKU**  
**o dodjeli javnog priznanja «POVELJA HUMANOSTI GRADA GORAŽDA»**

**Član 1.**

Grad Goražde u 2024. godini dodjeljuje javno priznanje **«POVELJA HUMANOSTI GRADA GORAŽDA» Humanitarnom udruženju „SVJETLO GRADA“ iz Goražda** za humana djela učinjena na području Grada Goražda.

**Član 2.**

Dodjela navedenog priznanja obaviti će se na Dan Grada Goražda, 18. septembra 2024. godine.

**Član 3.**

Ova Odluka stupa na snagu danom donošenja i naknadno će biti objavljena u „Službenim novinama Grada Goražda.“

Broj: 01-02-1-\_\_\_\_\_-24  
Goražde, \_\_\_\_\_ 2024. godine

**PREDSJEDAVAJUĆI VIJEĆA**

Bajro Obuća

## O b r a z l o ž e n j e

Odlukom o javnim priznanjima Grada Goražda („Službene novine Grada Goražda“, broj: 4/16, 10/18) propisano je da, u cilju odavanja javnog priznanja pravnim i fizičkim licima za iznimna dostignuća i lični doprinos za razvoj i ugled Grada Goražda, a naročito za uspjehe u unapređivanju privrede, zapošljavanju, nauci, kulturi, sportu, socijalnoj zaštiti, unapređenju prirodnog okoliša, te drugih javnih djelatnosti i poticanju aktivnosti koje su tome usmjerene, Grad Goražde ustanovljava javna priznanja „Počasni građanin Grada Goražda“, „Zlatna plaketa“ „Srebrna plaketa“, „Prijatelj/prijateljica Grada Goražda“, „Povelja za životno djelo“ i „Povelja humanosti“ Grada Goražda..

Odbor za dodjelu javnih priznanja i Gradonačelnik Goražda pokrenuli su postupak raspisivanjem Javnog poziva za predlaganje kandidata za dodjelu javnih priznanja Grada Goražda, broj: 02-04-2-2422. Isti je bio otvoren od 12.06. do 26.07.2024. godine. Na Javni poziv je pristiglo blagovremeno pet aplikacija. Nakon otvaranja aplikacija i provedene procedure, Odbor za dodjelu javnih priznanja je sačinio prijedlog Odluke o dodjeli javnih priznanja Grada Goražda u 2024. godini, te za priznanje „Povelja humanosti Grada Goražda“ predlaže Humanitarno udruženje “Svjetlo grada“ iz Goražda.

Humanitarno udruženje “Svjetlo grada“ Goražde osnovano je 01.04.2022. godine kao dobrovoljno, nevladino, nestranačko, neprofitno, nezavisno udruženje građana BPK Goražde. Udruženje je svojim aktivnostima usmjereno na promovisanje vrijednosti humanitarnog rada i volonterizma, te na implementaciju programa za zaštitu materijalno i socijalno ugroženih kategorija stanovništva našeg Kantona. U 2022. i 2023.g. proveli su brojne humanitarne akcije. Od prikupljenih 249 000 KM, za liječenje sugrađana usmjereno je 159,224 KM, na jednokratne pomoći 3 980 KM, paketiće pomoći 3980 KM, lijekove 1630 KM, użinu za djecu 12 833 KM, avio karte 7 260 KM, te mjesečne pomoći potrebitim pojedincima i porodicama 26 700 KM. Rad ovoga Udruženja prepoznat je i podržan i izvan granica Kantona i izvan Bosne i Hercegovine. Udruženje trenutno provodi akciju prikupljanja sredstava za rekonstrukciju stana porodice kojoj je stan nedavno izgoreo u požaru.

Prijedlog Odluke se upućuje Gradskom vijeću Goražda na razmatranje i konačno usvajanje.

ODBOR ZA DODJELU JAVNIH PRIZNANJA